

English Summer School

ESCOLA MUNICIPAL DE VERÁN DE INGLÉS

A escola de verán de inglés é unha proposta educativa para o mes de xullo, do 1 ao 30, en horario de 9:00 a 14:00h, no IES Rosalía de Castro (Rúa de San Clemente, 3).

Este programa está dirixido a estudantes empadroados no concello de Santiago, que cursaran algún dos cursos seguintes: 1º de primaria a segundo da ESO (ambos os dous inclusive), con niveis de inglés diferentes. Esta oportunidade de aprendizaxe combina as clases de inglés con obradoiros lúdicos, para aproveitar o tempo de actividade non escolar e practicar e mellorar o seu inglés á vez que utilizan este tempo para procurar novas relacións socializadoras.

ORGANIZACIÓN

O Departamento de Educación do Concello de Santiago, dentro da súa oferta formativa para o tempo libre e de lecer dos escolares de Santiago, organiza esta proposta educativa na que se combinan obradoiros de contido diverso e actividades de utilización didáctica da cidade en lingua inglesa.

A execución desta experiencia de aprendizaxe do inglés encoméndase a unha empresa do sector coa que o concello de Santiago acordará o desenvolvemento da proposta e que se fará cargo:

- ★ da impartición das clases e dos obradoiros.
- ★ da preparación das actividades para as clases e os obradoiros.
- ★ da organización dos grupos por niveis de coñecemento de inglés.

PROFESORADO

As clases serán impartidas por profesorado titulado, preferentemente nativo. Todo o profesorado conta con formación pedagóxica específica na aprendizaxe de linguas e no desenvolvemento de actividades de dinamización educativa.

OBRAIDOIRS

Os obradoiros serán impartidos íntegramente en inglés ao igual que as clases, actividades e saídas ou itinerarios.

Contarase, entre outros, cos seguintes obradoiros: Elaboración dun Libro, Cancións/Música, Teen Life, Magazine, Role Plays, Pintura, Cociña Elemental, aínda que dependendo das características dos grupos e das idades dos participantes, poderanse producir cambios.

Realizaranse saídas, como por exemplo visitas ao mercado, servizos do concello de Santiago, rede museística, ou calquera outro centro de interese que o Departamento de Educación considere.

Ademais, dentro dos obradoiros terán cabida actividades ao aire libre e especificamente deportivas, como poden ser, a "Busca do Tesouro" e Xogos Tradicionais Ingleses, por citar algúns.

DESENVOLVEMENTO DA ESCOLA

O desenvolvemento da escola dividirase en tres bloques:

- ★ O primeiro realizarase á primeira hora da mañá e consistirá nunha clase de inglés onde o enfoque principal vai ser que os nenos e nenas adquiran fluidez e soltura á hora de falar e o profesor/a poda traballar as estruturas gramaticais e a pronunciación. Será un reforzo de todo o impartido ao longo do curso escolar.
- ★ A segunda parte comprenderá obradoiros onde cada grupo realizará actividades distintas e adaptadas ao seu nivel.
- ★ A terceira parte da mañá atenderá un conxunto de actividades como saídas, itinerarios, xogos, manualidades, contacontos que o Departamento de Educación desenvolve ao longo do curso escolar no seu programa xeral de actividades

MATERIAIS

O alumnado contará, entre outros materiais, cunha mochila e unha carpeta na que poderán gardar toda a información que se lles vaia facilitando ao longo do curso; guía didáctica, manual para pais e nais e diploma.

MATRÍCULA

- ★ Para aqueles que participen durante todo o período (do 1 ao 30 de xullo): 160 euros.
- ★ Para aqueles que participen só durante unha quincena: 100 euros.

Non obstante aplicarase un desconto do 20% a aqueles solicitantes que acrediten ser familia numerosa ou acrediten ser o segundo ou posterior membro da familia que participe nesta Escola de Verán.

- ★ Cota inscrición todo o mes 128 euros (aplicando o desconto 20%).
- ★ Cota inscrición quincena 80 euros (aplicando o desconto 20%).

O desconto de familia numerosa aplicarase a todos os membros inscritos na Escola de Verán.

O desconto no caso de irmáns participantes aplicarase a partir do segundo. O primeiro pagará a cuota completa que lle corresponda.

Para aplicar estes descontos, que non son acumulables, deberán acreditarlo documentalmente no momento de facer a pre-inscrición.

Se un neno/a matriculado nunha quincena solicita a ampliación a unha segunda, esta petición será atendida sempre e cando haxa prazas disponibles. O importe a pagar será en todo caso de 100 euros, só se aplicará desconto se é familia numerosa ou se participa outro membro de familia nesa mesma quincena para a que se solicita a ampliación.

Se o número de solicitantes é maior que o número de prazas terá lugar un sorteo público.

O Departamento de Educación informará da obtención de praza unha vez rematado o prazo de pre-inscrición, quedando formalizada a mesma cando se realice o pagamento correspondente, dentro dos prazos establecidos.

O pago realizarase na conta bancaria seguinte: Banesto Nº 0030-6045-13-0870087271. No momento do pago deberán indicar o nome do neno/a e o período no que participa.